

յացող ամուսնութիւնների սկզբնաւորութիւնը, գնման սովորութեան առաջի սաղմերը:

Ակներև է, որ առեանգումն տեղի ունենալուց յետոյ պէտք էին թշնամական յարաբերութիւններ առաջանային փեսայի կողմնակիցների ու հարսի ազգականների միջև: Ահա և այդ տեսակ թշնամական յարաբերութիւնները կեղծ ձևականութեամբ արտայայտում են և այժմեան հարսանեաց մի քանի սովորութիւնների մէջ: Նախ՝ այդ թշնամական վերաբերումը կարելի է տեսնել այն երեոյթի մէջ, որ հարսին շրջապատող ազգականներն ու մանաւանդ համագիւղացիքը ամենայն կերպ աշխատում են փեսացուի ընկերակիցներին ծաղր ու ծանակի և ընդհանրապէս վիրաւորանքի ենթարկել:

Գանձակի գաւառում սովորութիւն կայ երեկոյեան, երբ գուռնան նուագում է հարսնետանը, բոլոր հարսնետորները նորից հաւաքում են հարսի տունը... թագթի վրայ իւր մակարներով շրջապատուած թագաւորը նստած է լինում և բերանը մի կտոր բան չի դնում, մինչև որ աները մի որևէ բան չի նուիրում նրան իբր ընրանքացէք: Բայց իրեն այնպէս ծանր ու մեծ պահող թագաւորին սաստիկ սեպնում են թագուհու ընկերուհիները, եթէ սա գտած չի լինում նորահարսի մասնների մէջ պահուած մոմը: Աղջիկները ցոյց են տալիս այդ մոմը մակարներին և ծիծաղում են թագաւորի անշնորքութեան վրայ, և երբ հենց իրեն են ուղարկում, նա կարմրելով փող է վճարում, որ թագցնեն: Եթէ աղջիկները քիչ են համարում այդ՝ վերագարձնում են փողը և կրկին ցոյց տալիս մոմը, մինչև որ վերջապէս գոհացում են ստանում ¹⁾:

Դարալագեագում, ինչպէս և շատ տեղերում, եթէ թագաւորամայրը նոյնպէս եկել է ազամարդկանց հետ հարսը տանելու՝ նորա մասին երբեմն ասում են գուարձանալու և ծիծաղելու համար հեռեկալ խօսքերը.

¹⁾ Ե. Լալայեան՝ Գանձակի գաւառ.